

Ilokano - Pagkamanganyo Sursurat - Protection Scriptures

Jeremias 1:18/19 Denggem, Jeremias: Busorendakanto dagiti amin a tattao ditoy daga, kasta met dagiti ari ti Juda, dagiti agtuturay, dagiti papadi ken dagiti tattao. Ngem parmekemto ida. Mayarigkanto iti nasarikedkedan a siudad. Kaskanto iti landok nga adigi ken bakud a bronse. Didakanto maparmek agsipud ta addaakto a mangsalaknib kenka. Daytoy ti sao ni Yahweh.”

Ezekiel 3:18 No ipakaammok a matay ti maysa a managdakdakes a tao, ngem dimo ballaagan wenco pagsardengen nga agaramid iti dakes tapno agbiag, matayto a managbasol, ket singirekto kenka ti darana.

Jeremias 6:27 Jeremias, inaramidka a manggugor ken mangsubok kadagiti tattaok tapno maammoan ken masuotmo dagiti kababalinda.

Levitico 26:19 Ikkatekto ti kinatangsityo; awanto ti tudo ket natikag ken natangkento ti dagayo a kas iti landok.

Deuteronomio 23:5 Ngem saan nga impangag ti Apo a Diosyo ni Balaam. Pinagbalinna ketdi a bendision daydi lunod gapu ta inay-ayatnakayo ti Apo.

Taga-Roma 12:21 Dika paabak iti dakes. Parmekem ketdi ti dakes babaen iti naimbag nga aramid.

Salmo 143:8,10 Agtalekak kenka; binigat nga ipalagipmo kaniak ti di agbalbaliw nga ayatmo. Dumanon kenka dagiti kararagko; isurom kadi kaniak ti rumbeng a dalanko. 10 Sika ti Diosko; isuronak a mangaramid iti pagayatam. Naimbagka koma kaniak, ket iturongnak iti natalged a dalan.

Salmo 94:12 Nagasat ti tao a bagbagaam, O Apo, ken sursuroam iti lintegmo!

Proverbio 27:12 Makita ti manakem ti umay a riribuk ket liklikanna, ngem sumarakusok ti gagangay a tao ket pagbabawiannanto iti kamaudianna.

Taga-Filipos 2:15/16 tapno awan pakababalawanyo ket nadaluskayo, kas awan mulitna nga annak ti Dios nga agnaed iti lubong a napno iti agkakadakes ken managbasol a tattao. Bayat ti panangipaayyo kadakuada iti mensahe a mangted iti biag, agraniagkayo kadakuada a kas silaw tapno addanto panggapuak a mangitangsit kadakayo inton Aldaw a panagsubli ni Cristo. Ta maipakitanto a nasayaat ti nagbanagan ti amin a nagbambannogak.

Isaias 49:4 Kinunak, “Awan serserbi ti nagbambannogak. Impanko ti amin a pigsak ngem awan ti nagapuanak.” Nupay kasta, agtalekak iti Apo a mangpalinteg iti amin a banag; gunggonaannakto gapu iti aramidko.

Salmo 76:3 Sadiay tinukkolna dagiti pana dagiti kabusor, dagiti kalasag ken kampilanda — wen, amin nga armasda.

Hebreo 13:20/21 Pinagungar ti Dios ni Apotayo a Jesus a nagbalin a Naindaklan a Pastor dagiti karnero gapu iti ipapatayna a kas daton a nangpatalged iti agnanayon a tulag. Sapay koma ta ti Dios a gubbuayan ti talna ipaayna kadakayo ti amin a naimbag a banag a kasapulanyo tapno

maaramidyo ti pagayatanna. Sapay koma ta aramidenna kadatayo ti makaparagsak kenkuana babaen ken ni Jesu-Cristo, isu a madaydayaw iti agnanayon nga awan inggana! Amen.

1 Taga-Corinto 16:15 Malagipyo a ni Estefanas ken ti familiana ti immuna a nagkristiano idiyay Grecia. Intedda ti bagida iti panagserbi kadagiti tattao ti Dios. Yunay-unayko kadakayo, kakabsatko,

Taga-Filipos 1:27 Mayannurot koma ngarud ti panagbiagyo iti ebanghelio ni Cristo, ta sarungkarankayo man wenco saan, madamagko koma a natibkerkayo iti maymaysa a panggep, ken sangsangkamaysakayo a makidangadang gapu iti pammati a naibatay iti ebanghelio.

1 Taga-Corinto 15:58 Ngarud, patpatgek a kakabsat, agtalinaedkayo a natibker ken di magaraw. Kanayon a sangoenyo ti trabahoyo a maipaay iti Apo, ta ammoyo nga adda bunga ti amin nga aramidenyo iti panagserbi iti Apo.

Taga-Colosas 4:12 Pakomustaannakayo ni Epafras a kameng met iti grupoyo. Adipen ni Cristo Jesus ket kanayon a sipapasnek a mangikarkararag kadakayo. Idawdawatna iti Dios nga agtalinaedkayo a natibker ken awan pagkuranganna nga agtungpal iti pagayatan ti Dios.

2 Ar-ari 19:34 Salaknibak ken isalakanko daytoy a siudad gapu iti bukodko a dayaw ken gapu iti karik iti daydi adipenko a David.

Jeremias 15:20,21 No maipapan kadagiti umili, pagbalinenkanto a kas iti natibker a bakud a bronse. Karangetdakanto ngem didakanto maparmek. Addaakto a mangsalaknib kenka tapno saanka a maan-anu. 21 Isalakankanto iti ima dagiti managdakdakes. Ikanawakanto iti pannakabalin dagiti naranggas a tattao. Siak, ni Yahweh, ti nagsao kadagitoy.

Salmo 55:18 Subbotennakto kadagiti gubat a pakidangadangak; adu unay ti bumusor kaniak.

Ezekiel 30:24 Kalpasanna, papigsaekto dagiti takkiag ti ari ti Babilonia ket ipaiggemkonto kenkuana ti kampilanko. Ngem tukkolekto dagiti takkiag ti ari ti Egipto ket agasugto agingga a matay iti sangoanan ti kabusorna.

Paltiing 3:18 Ngarud, ibalakadko kenka a gumatangka kaniak iti balitok a nagugoran iti apuy tapno bumaknangka. Gumatangka met iti puraw a pagan-anay a pagkawesmo tapno saan a makita ti nakababain a kinalamolamom. Gumatangka pay iti agas ta matam tapno makakitaka.

1 Juan 3:17 No addaanka ket makitam ti maysa a kabsat a makasapul iti tulong ngem dika pulos mangrikna, kasano ti panagkunam nga ay-ayatem ti Dios?

Isaias 50:4 Insuronak ni Apo Dios iti sawek tapno mapapigsak ti nabannog. Binigat a paggagarennak a dumngeg iti isurona kaniak.

Salmo 18:39 Ikkannak iti pigsa a makigubat, tapno parmekek dagiti kabusorko.

2 Samuel 22:40 Ikkannak iti pigsa a makigubat ket tulongannak a mangparmek kadagiti kabusorko.

Salmo 89:43 Pinagbalinmo nga awan serbi dagiti armasna, ket binaybay-am a maabak iti paggugubatan.

Ezekiel 13:6 Saan nga agpayso dagiti ipakaammoda a parmatada ken ulbod dagiti padtoda. Ibagbagada nga ipakaammoda ti mensahek ngem saanko nga imbaon ida. Namnamaenda ketdin a matungpal ti sasawenda!

Levitico 26:37 Agdidinnungparkayto uray no awan ti mangkamkamat kadakayo ket diyonto kabaelan a sarangten ti kabusoryo.

1 Corinto 14:8 No di nalawag ti pannakapuyot ti trumpeta, siasino ti agsagana a makigubat?

Job 15:24 ta agur-uray kenkuana ti pannakadadael kas nabileg nga ari a mangdarup kenkuana.

1 Cronicas 12:8 Dagitoy dagiti nalatak ken nasanay a soldado iti tribu ti Gad a timmipon kadagiti buyot ni David idi adda iti sarikedkedna iti let-ang. Nalaingda nga agusar iti kalasag ken pika. Nakabutbuteng a kas iti leon ti langada ken nasigmatda a kas iti ugsa iti kabambantayan.

1 Cronicas 12:33,38 Zebulon: 50,000 a napudno ken mapagtalkan a tattao a sisasagana a makigubat. Nasanayda nga agusar iti amin a kita ti igam; 38 Napan amin dagitoy a mannakigubat idiyay Hebron. Nakasaganada a makigubat ket sidadaanda a mangisaad ken ni David nga ari iti entero nga Israel. Maymaysa ti panggep dagiti amin nga Israelita a mangisaad kenkuana nga ari.

Lucas 10:19 Denggenyo: Inikkankayo iti pannakabalin a mangbaddek kadagiti uleg ken manggagama ken mangparmek iti bileg ti Kabusor. Awanto ti pakaan-anoanyo.

2 Taga-Corinto 7:10 Ta ti ladingit a mayannurot iti Dios yegna ti panbabawi nga agturong iti pannakaisalakan—ket saan a pagbabawayan dayta! Ngem ti nainlubongan a ladingit yegna ti patay.

2 Timoteo 2:25,26 nasingpet ken naannad a mangpatigmaan kadagiti kabusorna, bareng no ikkanto ida ti Dios iti gundaway nga agbabawi ket maammoanda ti pudno. 26 Iti kasta, agsublida iti nasayaat a panunotda ket makaruk-atda iti palab-og ti Diablo a nangtiliw kadakuada tapno aramidenda ti pagyatanna.

Nehemias 4:15 Nadamag dagiti kabusormi a naammoanmi ti gandatda ket nabigbigda a saan a pinagballigi ti Dios dagiti panggepda. Iti kasta, intuloomi a binangon ti bakud.

Salmo 73:24 Idaldalannak, babaen kadagiti pamagbagam ket iti kamaudiananna, awatennak babaen iti pammadayaw.

Pastor T. John Franklin

Church of Salvation, Healing, and Deliverance

COS-HAD.org